

23/07/2013
համար 177Ն

«ՀԱՇՎԵՏՈՒ ԹՈՂԱՐԿՈՂԻ ԿԱՆՈՆԱԴՐԱԿԱՆ ԿԱՊԻՏԱԼՈՒՄ ՄԱՍՆԱԿՑՈՒԹՅԱՆ
ՁԵՌՔԲԵՐՄԱՆ, ԱՎԵԼԱՑՄԱՆ ԵՎ ՆՎԱԶՄԱՆ ՎԵՐԱԲԵՐՅԱԼ ՏԵՂԵԿԱՑՄԱՆ ԵՎ
ԲԱՑԱՀԱՅՏՄԱՆ ԿԱՐԳԸ» ԿԱՆՈՆԱԿԱՐԳ 4/15-Ը ՀԱՍՏԱՏԵԼՈՒ ՄԱՍԻՆ

Սույն կանոնակարգում ներառված է ՀՀ ԿԲ

կատարված փոփոխությունները

Կանոնակարգը փոփոխվել է՝

Հաշվի առնելով, որ հաշվետու թողարկողների կանոնադրական կապիտալում կարող են ձեռք բերվել մասնակցություններ, որոնց արդյունքում բաժնետերերը կարող է ազդեցություն գործել թողարկողի գործունեության վրա, ուստի և ազդել ներդրողների որոշումների կայացման վրա,

նպատակ ունենալով հաշվետու թողարկողների բաժնետերերի վերաբերյալ տեղեկությունների բացահայտման միջոցով ներդրողների որոշումների կայացման համար ապահովել պատշաճ թափանցիկություն,

հիմք ընդունելով «Արժեթղթերի շուկայի մասին» Հայաստանի Հանրապետության օրենքի 154-րդ հոդվածի 1-ին և 2-րդ մասերը, 156-րդ հոդվածը և ղեկավարվելով «Հայաստանի Հանրապետության կենտրոնական բանկի մասին» Հայաստանի Հանրապետության օրենքի 20-րդ հոդվածի «ե» կետով և «Իրավական ակտերի մասին» Հայաստանի Հանրապետության օրենքի 16-րդ հոդվածով՝ Հայաստանի Հանրապետության կենտրոնական բանկի խորհուրդը

Ո Ր Ո Շ ՈՒ Մ Է .

1. Հաստատել «Հաշվետու թողարկողի կանոնադրական կապիտալում մասնակցության ձեռքբերման, ավելացման և նվազման վերաբերյալ տեղեկացման և բացահայտման կարգը» կանոնակարգ 4/15-ը՝ համաձայն Հավելվածի (կցվում է):

2. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը:

**Հայաստանի Հանրապետության
կենտրոնական բանկի նախագահ**

Արթուր Զավադյան

Հավելված

Հաստատված է
Հայաստանի Հանրապետության կենտրոնական բանկի խորհրդի
2013 թվականի հուլիսի 23-ի թիվ 177-Ն որոշմամբ

**«ՀԱՇՎԵՏՈՒ ԹՈՂԱՐԿՈՂԻ ԿԱՆՈՆԱԴՐԱԿԱՆ ԿԱՊԻՏԱԼՈՒՄ
ՄԱՍՆԱԿՑՈՒԹՅԱՆ ՁԵՌՔԲԵՐՄԱՆ, ԱՎԵԼԱՑՄԱՆ ԵՎ ՆՎԱԶՄԱՆ
ՎԵՐԱԲԵՐՅԱԼ ՏԵՂԵԿԱՑՄԱՆ ԵՎ ԲԱՑԱՀԱՅՏՄԱՆ ԿԱՐԳԸ»
ԿԱՆՈՆԱԿԱՐԳ 4/15-Ը**

• ԸՆԴՀԱՆՈՒՐ ԴՐՈՒՅԹՆԵՐ

• Սույն կանոնակարգը սահմանում է «Արժեթղթերի շուկայի մասին» Հայաստանի Հանրապետության օրենքի 153-րդ հոդվածով նախատեսված բաժնետիրական ընկերությունների (այսուհետ՝ հաշվետու թողարկող) կանոնադրական կապիտալում ցանկացած անձի կողմից «Արժեթղթերի շուկայի մասին» Հայաստանի Հանրապետության օրենքի 154-րդ հոդվածով սահմանված մասնակցությունների ձեռքբերման, ավելացման և նվազման վերաբերյալ հաշվետու թողարկողին և Հայաստանի Հանրապետության կենտրոնական բանկին (այսուհետ՝ Կենտրոնական բանկ) տեղեկացման կարգը, ինչպես նաև հաշվետու թողարկողի կողմից այդ տեղեկատվության բացահայտման կարգը:

• Սույն կանոնակարգում օգտագործված այլ հասկացություններն օգտագործվում են «Արժեթղթերի շուկայի մասին» Հայաստանի Հանրապետության օրենքում կիրառվող իմաստով:

**• ՀԱՇՎԵՏՈՒ ԹՈՂԱՐԿՈՂԻ ԿԱՆՈՆԱԴՐԱԿԱՆ ԿԱՊԻՏԱԼՈՒՄ
ՄԱՍՆԱԿՑՈՒԹՅԱՆ ՁԵՌՔԲԵՐՄԱՆ, ԱՎԵԼԱՑՄԱՆ ԵՎ ՆՎԱԶՄԱՆ
ՎԵՐԱԲԵՐՅԱԼ ԹՈՂԱՐԿՈՂԻՆ ԵՎ ԿԵՆՏՐՈՆԱԿԱՆ ԲԱՆԿԻՆ ՏԵՂԵԿԱՑՄԱՆ
ԿԱՐԳԸ**

• Հաշվետու թողարկողի կանոնադրական կապիտալում «Արժեթղթերի շուկայի մասին» Հայաստանի Հանրապետության օրենքի 154-րդ հոդվածով սահմանված մասնակցության ձեռքբերման, ավելացման կամ նվազման դեպքում յուրաքանչյուր անձ (անձամբ կամ փոխկապակցված անձանց միջոցով) այդ մասին

տեղեկատվություն է ներկայացնում Կենտրոնական բանկին և հաշվետու թողարկողին՝ համաձայն սույն կանոնակարգի Հավելված 1-ի և Հավելված 2-ի:

- Սույն կանոնակարգի 3-րդ կետով պահանջվող տեղեկատվությունը Կենտրոնական բանկին և հաշվետու թողարկողին է ներկայացվում առձեռն կամ պատվիրված նամակով՝ տպագիր՝ ստորագրված մասնակցի կամ փոխկապակցված անձանցից մեկի (ֆիզիկական անձի դեպքում) կամ այդ մասնակցի իրավասու անձի (իրավաբանական անձի դեպքում) կողմից: Այն անձինք, որոնք միացված են Սի-Բի-Էյ-նեթ համակարգին, կարող են սույն կետով նախատեսված տեղեկատվությունը Կենտրոնական բանկ ներկայացնել էլեկտրոնային տարբերակով՝ էլեկտրոնային-թվային ստորագրությամբ՝ Սի-Բի-Էյ-նեթ համակարգի միջոցով, իսկ անհնարինության դեպքում՝ էլեկտրոնային կրիչով:

- Եթե մասնակիցը կամ փոխկապակցված անձանցից որևէ մեկն արդեն ներկայացրել է սույն կանոնակարգի 3-րդ կետով սահմանված տեղեկատվությունը, ապա մյուս փոխկապակցված անձանց կամ մասնակցի կողմից տվյալ տեղեկատվությունը համարվում է ներկայացված:

**• ՀԱՇՎԵՏՈՒ ԹՈՂԱՐԿՈՂԻ ԿԱՆՈՆԱԴՐԱԿԱՆ ԿԱՊԻՏԱԼՈՒՄ
ՄԱՍՆԱԿՑՈՒԹՅԱՆ ՁԵՌՔԲԵՐՄԱՆ, ԱՎԵԼԱՑՄԱՆ ԵՎ ՆՎԱԶՄԱՆ
ՎԵՐԱԲԵՐՅԱԼ ՏԵՂԵԿԱՏՎՈՒԹՅԱՆ ԲԱՅԱՀԱՅՏՄԱՆ ԿԱՐԳԸ**

- Հաշվետու թողարկողը սույն կանոնակարգի 2-րդ գլխի համաձայն ստացված տեղեկատվությունը հրապարակում է որպես էական փաստեր և տեղեկություններ՝ Հայաստանի Հանրապետության կենտրոնական բանկի խորհրդի 2008 թվականի մարտի 11-ի թիվ 68-Ն որոշմամբ հաստատված «Ազդագիր և հաշվետու թողարկողների հաշվետվություններ» կանոնակարգ 4/04-ով սահմանված կարգով: Ընդ որում, սույն կետի համաձայն՝ մասնակցի վերաբերյալ հրապարակվող տեղեկատվությունը ներառում է մասնակցի, նրա հետ փոխկապակցված անձի անունը, ազգանունը, հայրանունը (ֆիզիկական անձանց դեպքում), անվանումը, կազմակերպական-իրավական ձևը (իրավաբանական անձանց դեպքում), մասնակցին և նրա հետ փոխկապակցված անձանց պատկանող հաշվետու թողարկողի բաժնետոմսերի ընդհանուր քանակը և տոկոսային մեծությունը:

- Հաշվետու թողարկողը սույն կանոնակարգի 2-րդ գլխի համաձայն ստացված տեղեկատվությունը բացահայտում է կարգավորվող շուկայի օպերատորին՝ որպես էական փաստեր և տեղեկություններ կարգավորվող շուկայի օպերատորի կողմից սահմանված կարգով:

ՀԱՎԵԼՎԱԾ 1

«Հաշվետու թողարկողի կանոնադրական կապիտալում մասնակցության ձեռքբերման, ավելացման և նվազման վերաբերյալ տեղեկացման և բացահայտման կարգը» կանոնակարգ 4/15-ի

ՄԱՍՆԱԿՑՈՒԹՅԱՆ ՁԵՌՔԲԵՐՄԱՆ ԿԱՄ ՄԱՍՆԱԿՑՈՒԹՅԱՆ ԱՎԵԼԱՑՄԱՆ ՎԵՐԱԲԵՐՅԱԼ ՏԵՂԵԿԱՑՈՒՄ

(Ֆիզիկական անձի համար՝ անունը, ազգանունը, հայրանունը, անձը հաստատող փաստաթղթի նույնականացման համարը և սերիան, բնակության վայրը, կապի միջոցները, իրավաբանական անձի համար՝ անվանումը, ՀՎՀՀ-ն, գրանցման վայրը, կապի միջոցները)

(փոխկապակցված ֆիզիկական անձի համար՝ անունը, ազգանունը, հայրանունը, անձը հաստատող փաստաթղթի նույնականացման համարը և սերիան, բնակության վայրը, կապի միջոցները, փոխկապակցված իրավաբանական անձի համար՝ անվանումը, կազմակերպական-իրավական ձևը, ՀՎՀՀ-ն, գրանցման վայրը, կապի միջոցները (այս տողը լրացվում է փոխկապակցված անձանց միջոցով մասնակցության ձեռքբերման դեպքում))

(հաշվետու թողարկողի անվանումը, ՀՎՀՀ-ն)

Տեղեկություններ մասնակցին և փոխկապակցված անձանց պատկանող արժեթղթերի վերաբերյալ

| Բաժնետոմսի տարբերակիչ ծածկագիրը (ISIN) | Նախքան մասնակցության ձեռքբերումը (ավելացումը) հաշվետու թողարկողի բաժնետոմսեր | | | | Մասնակցության ձեռքբերումից (ավելացումից) հետո հաշվետու թողարկողի բաժնետոմսեր | | | | Մասնակցության ձեռքբերման (ավելացման) ամսաթիվը (օր/ամիս/տարի) |
|--|--|---|---------------------|---|--|---|---------------------|---|--|
| | մասնակից | | փոխկապակցված անձինք | | մասնակից | | փոխկապակցված անձինք | | |
| | քանակը | % | քանակը | % | քանակը | % | քանակը | % | |
| | | | | | | | | | |

Հավաստիացնում եմ, որ սույն փաստաթղթում պարունակվող տեղեկատվությունը արժանահավատ է և ամբողջական: Գիտակցում եմ, որ որևէ տեղեկատվության կեղծ ներկայացումը հանգեցնում է օրենքով սահմանված պատասխանատվության:

| | | |
|----------------------|---------------|----------------------|
| Ստորագրություն _____ | Ամսաթիվ _____ | (օր/ամիս/տարի) _____ |
|----------------------|---------------|----------------------|

ՀԱՎԵԼՎԱԾ 2

«Հաշվետու թողարկողի կանոնադրական կապիտալում
մասնակցության ձեռքբերման, ավելացման և նվազման
վերաբերյալ տեղեկացման և բացահայտման կարգը» կանոնակարգ 4/15-ի

ՄԱՍՆԱԿՑՈՒԹՅԱՆ ՆՎԱԶՄԱՆ ՎԵՐԱԲԵՐՅԱԼ ՏԵՂԵԿԱՑՈՒՄ

(Ֆիզիկական անձի համար՝ անունը, ազգանունը, հայրանունը, անձը հաստատող փաստաթղթի նույնականացման համարը և սերիան, բնակության վայրը, կապի միջոցները, իրավաբանական անձի համար՝ անվանումը, ՀՎՀՀ-ն, գրանցման վայրը, կապի միջոցները)

(փոխկապակցված ֆիզիկական անձի համար՝ անունը, ազգանունը, հայրանունը, անձը հաստատող փաստաթղթի նույնականացման համարը և սերիան, բնակության վայրը, կապի միջոցները, փոխկապակցված իրավաբանական անձի համար՝ անվանումը, ՀՎՀՀ-ն, գրանցման վայրը, կապի միջոցները (այս տողը լրացվում է փոխկապակցված անձանց միջոցով մասնակցության նվազեցման դեպքում))

(հաշվետու թողարկողի անվանումը, ՀՎՀՀ-ն)

Տեղեկություններ մասնակցին և փոխկապակցված անձանց պատկանող արժեթղթերի վերաբերյալ

| Բաժնետոմսի տարբերակիչ ծածկագիրը (ISIN) | Նախքան մասնակցության նվազեցումը հաշվետու թողարկողի բաժնետոմսեր | | | | Մասնակցության նվազեցումից հետո հաշվետու թողարկողի բաժնետոմսեր | | | | Մասնակցության նվազեցման ամսաթիվը (օր/ամիս/տարի) |
|--|--|---|---------------------|---|---|---|---------------------|---|---|
| | մասնակից | | փոխկապակցված անձինք | | մասնակից | | փոխկապակցված անձինք | | |
| | քանակը | % | քանակը | % | քանակը | % | քանակը | % | |
| | | | | | | | | | |
| | | | | | | | | | |

Հավաստիացնում եմ, որ սույն փաստաթղթում պարունակվող տեղեկատվությունը արժանահավասար է և ամբողջական: Գիտակցում եմ, որ որևէ տեղեկատվության կեղծ ներկայացումը հանգեցնում է օրենքով սահմանված պատասխանատվության:

| | | |
|----------------------|---------|-------------------------|
| Ստորագրություն _____ | Ամսաթիվ | _____ (օր/ամիս/տարի) |
|----------------------|---------|-------------------------|